




ISLOM SIVILIZATSIYASI MARKAZI – UCHINCHI RENESSANS DARVOZASI

Prezident tashrifidan so‘ng

Poytaxtning eski shahar qismi, xususan, Hazrati Imom (xalq orasida Xastimom) dahasi tevaragida istiqomat qiladigan aholi so‘nggi yillarda hududda amalga oshirilayotgan o‘zgarish va bunyodkorlik ishlarini mamnuniyat bilan qabul qilmoqda. Tor va boshi berk ko‘chalar kengaytirilib, eski va nurab qolgan uylar o‘rnida zamonaviy majmualar qad rostlayotganidan, tarixiy hudud avvalgisidan ham jozibadorlik kasb etib, adoqsiz ziyoratchilarni o‘ziga jalb qilayotganidan quvonmay bo‘ladimi axir!

— Tevarakdagi 60-yillar avvalgi manzara hamon ko‘z o‘ngimda, — deydi taniqli musavvir, faxriy pensioner Abdulvali Mo‘minov. — Bolaligimda masjid qarshisidagi maydonda har yakshanba bozor bo‘lganini yaxshi eslayman. Savdogarlar, xaridorlar loy ko‘chalardan o‘tib kelardi, ot-aravalar tiqilib qolardi. Atrofdagilarning qay biri masjidga ibodatga kelgan, kim bozorda



savdo bilan band, bilib bo‘lmasdi. Hozir qarang, bunyodkorlik ishlari nafaqat shu yerda tug‘ilib o‘sgan men kabi tub aholi vakillarini, balki uzoq-yaqindan kelgan mehmonlarning ham ko‘zini quvnatyapti. Tarixan Xastimom Toshkentning eng asosiy diqqatga sazovor joylaridan biri bo‘lib kelgan. Majmua imom, olim, Qur‘on va hadis

bilimdoni, shoir va hunarmand Hazrati Imom — Abu Bakr ibn Ismoil al-Qaffol ash-Shoshiy qabri atrofida qad rostlagan. Hududdagi har bir me‘moriy obidaning o‘z tarixi bor, ular turli davrlarga borib taqaladi.

Davomi 2-beta



Kun mavzusi

Tashabbusli budjet: JORIY YILNING BIRINCHI MAVSUMIGA START BERILDI

Fuqarolik jamiyatining asosiy jihatlaridan biri xalq fikri va ovozi ahamiyatga ega bo‘lishi, barcha jabhalarda inobatga olinishida ko‘zga tashlanadi. Ya‘ni odamlar mamlakatda yuz berayotgan voqea-hodisalar, muhim jarayonlarda shunchaki kuzatuvchi emas, balki bevosita ishtirokchiga aylanishi kerak. Keyingi yillarda yangi O‘zbekistonda ayni jarayon faollashgani ko‘zga tashlanadi. Qabul qilinayotgan huquqiy hujjatlar, qonun va qarorlar, loyihalarning keng jamoatchilik muhokamasiga qo‘yilishi, odamlarning turli loyihalar doirasida o‘z fikr va tashabbuslarini ilgari surishiga maydon yaratilib, ularning aksariyati qo‘llab-quvvatlanayotgani yurtdoshlarimizda daxldorlik hissin oshiryapti. Ayniqsa, yilda ikki marotaba tashkil etilayotgan “Tashabbusli budjet” loyihasi xalqimiz orasida yaxshigina ommalashdi.

Bunda odamlar o‘z hududidagi ijtimoiy muammolar bo‘yicha “Ochiq budjet” portali orqali takliflarini qoldiradi. Muayyan muddat davomida ovozlari to‘planib, g‘olib deb topilgan tashabbuslar davlat byudjetidan moliyalashtiriladi. Ya‘ni endi avvalgidek mutasaddilarning “Bu masala davlat dasturiga kiritilgan, yaqin yillarda hal bo‘ladi”, degan gaplariga o‘rin qolmadi. Muammolarni o‘rtaga tashlash va ularni hal etishda odamlarning o‘zi ishtirok etyapti. Jamiki kiritilgan loyihalar, ularga berilgan ovozlari va ajratiladigan pullarning bari shaffof tizim orqali ko‘rinib turadi. Mablal‘lar ham qisqa fursatlarda

ajratilyapti. Shu vaqtgacha “Tashabbusli budjet” loyihasi ortidan hududlardagi minglab ijtimoiy masalalar yechimini topib, qanchadan qancha yo‘llar asfaltlandi, ijtimoiy soha obyektlari qayta ta‘mirlandi, joylarga ichimlik suv, elektr toki yetib bordi. Buning uchun o‘sha hududlardagi odamlarning birlashib, birgalikda harakat qilayotgani, ayniqsa, loyihaning ijtimoiy ahamiyatini yanada oshirmoqda. Yurtdoshlarimiz har gal “Tashabbusli budjet”ni qizg‘in kutib, unda faol ishtirok etishi odatiy holga aylandi.

Davomi 4-beta



ENERGETIKA BARQARORLIGI

MAMLAKAT RIVOJLANGANINI

KO‘RSATUVCHI ENG ASOSIY TAMOYIL

Bugun energiyadan foydalanish hajmi shiddat bilan oshmoqda. Kelgusida yanada ko‘payishi biosfera hamda insoniyat taraqqiyoti uchun katta xavf tug‘diradi. Shu sababli butun dunyoda o‘tgan asrning oxirgi o‘n yillidan boshlab, energiyani qayta tiklanuvchi, ekologik toza manbalari, avvalo, quyosh va shamol imkoniyatidan foydalanishga alohida e‘tibor qaratildi. Masalan, hozir shamol energiyasini o‘zlashtirish sur‘ati faqat axborot texnologiyalaridan bir oz ortda qolmoqda. Quyoshli kunlarga boy O‘zbekistonda qayta tiklanadigan energiya manbalarini o‘zlashtirish strategiyasi endi ishlab chiqilmoqda. Garchi hozir qayta tiklanadigan energetika texnologiyalari uchun xarajat energiya olishning an‘anaviy texnologiyalari chiqimidan ancha oshsa-da, ular joriy etiladigan obyektlarni aniq qayd etish mumkin.

Kun sayin aholi soni ko‘payishi va odamlar turmush darajasi yaxshilangani sari elektr energiyasiga talab ham oshib boraveradi. So‘nggi besh yilda yurtimizda elektr energiyasi iste‘moli 20 foiz, jumladan, aholi tomonidan sarflanishi 31 foiz oshgani bu ko‘rsatkich yiliga 6 foizdan o‘sib borayotganidan dalolat beradi.

Mamlakatimizda quyoshli kunlar soni uch yuz kundan ortiq bo‘lishi hamda quyosh energiyasining texnik imkoniyati 266 million tonna shartli yoqilg‘i o‘rni bosishi quyosh energiyasidan oqilona foydalanish zaruratini yuzaga keltiradi. Bu borada quyosh energiyasini boshqa turdagi energiyaga aylantirib beruvchi quyosh energetika qurilmalari qo‘l keladi.

Davomi 3-beta

Islahotlar amalda

TOMORQA SHUNCHAKI “TOM ORQASI” EMAS

UNDAN SAMARALI FOYDALANISH TOBORA DOLZARBLASHIB BORMOQDA

Joriy yilning 30-yanvar kuni Prezidentimiz tomonidan tomorqada va ijaraga berilgan ekin yerlarida daromadli mahsulot yetishtirishning yangi tizimi bo‘yicha o‘tkazilgan yig‘ilishda ushbu yo‘nalishda dolzarb bo‘lgan bir qator masalalar ko‘rib chiqildi.

Darhaqiqat, bugun yerdan oqilona va unumli foydalanish har qachongidan muhim bo‘lib bormoqda. Shu jihatdan olganda, yurtimizda amalga oshirilayotgan islohotlar odamlarning yerga bo‘lgan munosabatini tubdan o‘zgartirishga, uning har qarichini samarali



Davomi 3-beta

“YERGA, MULKKA MUNOSABATIMIZ BUTKUL O‘ZGARDI”

Zominlik Abror Shirinboyev ijaraga yer olib, dehqonchilik qilar, biroq har doim ham ekindan yaxshi daromad topmasdi. Tabiat inijliklari, suv yetishmovchiligi va boshqa omillar sabab yetishtirilgan hosil bir o‘xshasa o‘xshardi, o‘xshamasa yo‘q.

Oilasi, ro‘zg‘orini o‘zlashtirish uchun Abrorning nima qilsam ekan deya boshi qotib yurganida mahallaga birlashtirilgan hokim yordamchisi Dilshod Bozorboyevning tavsiyasi va maslahati bilan “Har bir oila — tadbirkor” dasturi doirasida bankdan 33 million so‘mlik imtiyozli kredit oldi.

Tomorqasida uch soxtixona barpo etgan Abror Shirinboyev Janubiy Koreyadan keltirilgan “Solhyan” qulupnaydan 3700 tup ekdi. O‘tgan yilning avgustida gidroponika usulida ekilgan rezavor noyabrda kelib pishib

Har bir oila — tadbirkor

yetildi. Bu navning mahalliy navlardan afzalligi shundaki, parvarish yaxshi bo‘lsa, yil-o‘n ikki oy qulupnaydan hosil olish mumkin. Issiqxonaning yuz qismida bir vaqtda besh-olti turdagi ko‘katlar hamda xazira uchun qulupnay ko‘chatlari ham parvarish qilinayotir.

— Biz odatda bahorda qisqa muddatda yetishtiriluvchi mahalliy qulupnay navlariga shakar qo‘shib iste‘mol qilishga o‘rganganmiz, — deydi tadbirkor Abror Shirinboyev. — Bu koreys navi mevasini yirikligi, bo‘liqligi, shirinligi sabab shakarsiz iste‘mol qilish mumkin.

Davomi 4-beta



ishlatishga qaratilgani bilan ahamiyatlidir. Yig‘ilishda qayd etilgan yangiliklar bu boradagi ishlarni yanada takomillashtirishga xizmat qiladi.

Bugungi kunda yurtimizda 5 milliondan ortiq tomorqa yer egasi 508 ming gektar yerda dehqonchilik qilmoqda. Tomorqasida har kim o‘z imkoniyati, ixtiyoriga qarab mahsulot yetishtiradi. Talabgorlar orasida mevasabzavotchilikka qiziqadiganlar ko‘p. Ayrımlari bu ish bilan avvaldan shug‘ullanib kelgan. Ba‘zilar tajribali dehqonlardan ishning hadisini olib, so‘ng bu ishga kirishmoqda. Muhimi, vaqtini ham, hovlisini ham bo‘sh qoldirmay, oilasi daromadiga hissa qo‘shib kelyapti. Lekin hali bu borada foydalanilmayotgan imkoniyatlar mavjud. Masalan, tomorqa va dehqon xo‘jaligi yerlari, ularda yetishtirilgan mahsulot hisobini yuritish bo‘yicha ham yangicha tizim bo‘ladi. Buning uchun yil yakunigacha tomorqalar va ekin yerlari alohida tasniflanadi. Ularda nima ekilgani “onlayn mahalla” platformasiga kiritiladi. Yerdan samarali foydalanib, bir soxtixonadan 5 million so‘mdan yuqori rasmiy daromad olayotgan dehqonlarga yer solig‘ining 90 foizi keshbek sifatida qaytarib beriladi. Aksincha, tomorqasiga ekin ekmaganiyordan yer solig‘i oshirilgan miqdordagi undiriladi.

Hozir bu sohada “raqamli bozor” bo‘lmagan uchun dehqonlar mevasabzavotiga xaridor, qayta ishlovchi va eksportchilar esa mahsulot qidirib yuribdi. Shu bois, ularni o‘zaro bog‘laydigan “market plays” ishga tushiriladi.

Xonadon tomorqalaridan foydalanishning yana bir samarali usuli issiqxonalar qurishdir. Bu orqali ham yaxshigina daromad, ham yiliga ikki-uch marta hosil olish mumkin. Hatto oila a‘zolaridan tashqari qo‘shimcha bir necha kishini ish bilan ta‘minlash imkoniyati bor.

Davomi 3-beta

